

- 803 Primi assalti saracini
- 813 Tredici navi saracini sò distrutti in Corsica da a marina carulingia
- 827 **I Musulmani invadiscini a Creta è a Sicilia**
- 828 Spidizioni di u Conti di Lucca è Marchesu di Toscana, Bunifaziu, contr'à i Saracini in Corsica, in Sardegna è in Africa.
- 935 **Abbottu di Ghjenuva da i Musulmani d'Africa**
- 972 **L'impiantu saracinu di u Frassinetu hè disfattu da Ugu di Pruvincia**
- 1002 Battaglia à u largu di a Corsica trà Bizantini è Saracini
- 1015 Invasioni di a Sardegna da Al Mudjahib, l'emiru di Denia (Spagna) è di l'isuli Baliari
- 1016 Vittoria pisana è ghjinuvesa contr'à Al Mudjahib
Pisani è marchesi Obertenghi cumeniciani à arrughjunà si in Corsica
- 1073 U Papa dà i viscuvati di Corsica è di Sardegna à l'arcivescu di Pisa
- 1115 Spidizioni pisana è ghjinuvesa contr'à i Saracini di l'isuli Baliari
- 1133 Cunsacrazioni di a catidrali di a Canonica di Mariana da l'arcivescu di Pisa
A Corsica hà sei viscuvati
- 1195 I Ghjinuvesi scassani i Pisani da Bunifaziu
- 1264 Ghjudici di Cinarca hè elettu Conti di Corsica à Lagu Benedettu (Mariana)
- 1278 I Ghjinuvesi piddani u casteddu Avogari di Calvi in Balagna
- 1284 **Disfatta pisana à a Meloria di pettu à a marina ghjinuvesa**
- 1289 Spidizioni ghjinuvesi di Lucchettu Doria in Corsica contr'à Ghjudici di Cinarca
- 1297 U Papa dà i regni di Corsica è Sardegna à u Rè d'Aragona Jaime Primu dittu U Ghjustu
- 1300 Ghjudici di Cinarca hè fattu prighjuneru à tradimentu in lu Valincu
- 1304 Morti di Ghjudici di Cinarca in a prighjò di Malapaga à Ghjenuva
- 1348 Epidemia di pesta nera
- 1350 Rivolta eretica di a Ghjuvannara. L'Inquisizioni hè mandata in l'Isula
- 1358 Rivuluzioni di u Cumunu cù Sambucucciu d'Alandu
Criazioni di a Terra di u Cumunu è deditio (lascita) di u Cismonti in Ghjenuva
- 1380 Fundazioni di *lo Bastia* da supra à u portu Cardu
Arrigu di a Rocca hè fattu conti di Corsica alzendu a bandera aragunesa
- 1401 Morti d'Arrigu della Rocca.
- 1407 Vincinteddu d'Istria conti di Corsica
- 1420 Alfonsu V d'Aragona sbarca in Corsica : presa di Calvi, assediu di Bunifaziu
- 1421 Vincinteddu d'Istria vici rè di Corsica, viduta nazionali in Bunifaziu
- 1434 Morti di Vincinteddu d'Istria in Ghjenuva
- 1456 Spidizioni è danni di l'esercitu ghjinuvesu di Spinola in Corsica
- 1486 Principiu di i guerri di Ghjuvan Paulu da Leca, ultimu conti di Corsica, contr'à Ghjenuva
- 1488 Presa è distruzzioni di u casteddu di Cinarca da l'esercitu ghjinuvesu



Sambucucciu d'Alandu

A Corsica midiivali 800 - 1511

- | | |
|------|---|
| 1490 | Presa di u casteddu cinarchesu di Foci d'Ortu |
| 1492 | Fundazioni di a culunia ghjinuvesa d'Aiacciu |
| 1501 | Ultima guerra di Ghjuvan'Paulu da Leca |
| 1502 | Guerri di l'Uffiziu di San Ghjorghju contr'à Rinucciu da la Rocca |
| 1503 | Presa di Baricini è Rocca Taddata, roccaforti rucchisgiani.
Disabitazioni di i pievi ribeddi :
Niolu, Alta Rocca, Celavu, Cruzini, Sia, Taravu sò sbiutati di i so abitanti |
| 1511 | Rinucciu della Rocca hè tumbu in la sarra d'Arbiddali |

Corsica preistorica

Corsica antica

I tempa muderni

Rivoluzioni corsi

Corsica francese

A Corsica pisana

1073 - 1299


In lu 1073, u Papa dà l'Isula di Corsica à u vescu di Pisa dopu à i tempa tribbulati di i Saracini. A Corsica hè sott'à u governu di Pisa in lu 1091. Pisa ricumencia à cristianizà l'Isula cù a custruzzioni di ghjesii tali à quidda di Muratu è a catidrali di a Canonica di Mariana finita in lu 1119. Clerichi è maestri tuscani sbarcari numerosi in l'Isula. Cù a cristianizzazioni di l'Isula, a lingua toscana si sparghji in Corsica, mudifichendu da più à menu u dialettu latinu parlatu tandu in l'Isula.

A Corsica hè spartuta in sei viscuvati è, à l'incirca, in 70 pievi cù ugnuna u so piuvanu pà amministrà la. Uni pochi di cità abbandunati ripiddani fiatu. A nuzioni di statu, quasi smarita dapoi l'Imperu bizantinu, torra à duintà rialità pà un tarritoriu ch'è esci da cinqui seculi d'isulamentu.

Ma Pisa ùn governa micca di modu direttu : in fatti u puteri hè in manu à signori corsi, chiamati *Cinarchesi* - i cronachi dicini ch'iddi sariani discendenti d'Ugu Colonna - ch'è ricunnoscini da più à menu l'autorità pisana. In supr'à più, u priculu saracinu ùn hè sparitu in tuttu : in lu 1114, Pisa è Ghjenuva mandani una spedizione ch'è vinci contr'à l'isuli Baleari, piazzaforti di a pirataria saracina di u Mditarraniu.

À parta si da a fini di l'undicesimu seculu, Pisa è Ghjenuva a si lottani pà u pusessu di l'isuli di u Tirrenu : hè a guerra dichjarata trà i dui cità. In lu 1195, i Ghjinuvesi a li facini à piddà u bastionu pisanu di Bunifaziu. Ma Pisa manteni u so pesu in Corsica è in Sardegna cù l'appoghju di i signori corsi è di i *ghjudici* sardi.

In lu 1284 Pisa hè vinta da Ghjenuva à a battaglia navali di a Meloria, è perdi a so duminazioni di u Mditarraniu. In lu 1299, li ci voli à rinuncià à tutti i so pratinsioni in Corsica.



Custruzzioni di a ghjesia pisana di Muratu.

